

Ն. Ս. Օ. Տ. Տ. ԳԱՐԵԳԻՆ Բ. ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ԽՈՍՔԸ
 ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ 25-ՐԴ ՏԱՐԵՂԱՐՁԻ ԱՌԻԹՈՎ
 ՍՓՅՈՒՌՔԻ ԿԱՌՈՒՅՑՆԵՐԻ ՂԵԿԱՎԱՐՆԵՐԻ ՀԵՏ
 ՀԱՆԴԻՊՄԱՆ ԺԱՄԱՆԱԿ

(21 սեպտեմբերի, 2016 թ.)

*Մեծարգո՝ Նախագահ Հայաստանի Հանրապետության,
 Մեծարգո՝ Նախագահ Լեւոնային Ղարաբաղի Հանրապետության,
 Սիրեցյալ եղբայր ի Քրիստոս, Արամ Ա. Կաթողիկոս Մեծի Տանն Կի-
 լիկիո,*

*Հոգեւոր հայրեր եւ ազգային կառույցների սիրելի ներկայացուցիչներ,
 Ողջունում ենք ամենքիդ եւ Հայրապետական օրհնությունը Մեր
 չնորհավորանքներն ու բարեմաղթանքները բերում Հայաստանի Հանրա-
 պետության 25-րդ հոբելյանական տարեդարձի առիթով:*

*Գոհություն ենք հայտնում Երկնավոր Տիրոջը, որ ամուր հավատք
 ու չսպառվող հույս պարգեւեց մեր ժողովրդին երկուսուկես տասնամ-
 յակ առաջ՝ ընտրելու դարերով սպասված անկախ պետականության
 ճանապարհը: Մեր պետականությունը կերտվել է թանկ կորուստների,
 զրկանքների ու զոհողությունների գնով, համազգային ջանքերի մեկտե-
 ղումով, որոնք ավելի սրբազան ու նվիրական են դարձնում մեր երկիրը
 մեզ համար:*

*Այսօր Հիշում ենք 1988-ի ազգային զարթոնքի հզոր պոռթկումը, երկ-
 րաշարժի ցավի մեջ անգամ մեր ժողովրդի հերոսական ճիգը Արցախի
 ազատագրման համար, հայրենիքի պաշտպանության մարտերում մեր
 զավակների անօրինակ սխրանքները: Հիշում ենք 1990-ականների դժվա-
 րին տարիները, մաքառումը ցրտի, խավարի ու կարիքի դեմ: Մեզ չեն
 շրջանցել նաեւ տարակուսներն ու հիասթափությունները, ցնցումների
 հանգեցնող հակառակությունները, որոնք առանձին դեպքերում բերել
 են մարդկային ցավալի կորուստներ: Մեր հոգիները տակավին ազատված
 չեն ապրիլյան օրերի տագնապներից ու անհանգստություններից, նաեւ՝
 հուլիսյան օրերի հուզումներից:*

*Այսպիսի փորձությունների դիմակայելով՝ մեր երկիրն անցել է կա-
 յացման ու զարգացման նշանակալի ճանապարհ, ունի հաստատուն
 ձեռքբերումներ, որոնցով հպարտ ենք այսօր: Տոնական այս օրը վերապ-*

րում ենք եւ բերկրանքը մեր ժողովրդի հաղթանակների, նաեւ՝ Լեւոնա-
յին Ղարաբաղի Հանրապետության հռչակման, որը անկախ Հայաստանի
պատմության հարազատ մասունքն է:

25 տարին, արդարեւ, մեծ ժամանակ չէ պետության համար, սակայն
արագ փոխվող աշխարհը, մեր ժամանակների մարտահրավերները, հայ-
րենիքում եւ Սփյուռքում մեր առջեւ կանգնած խնդիրները հրատապ են
դարձնում մեր երկրի հզորացման հրամայականը: Արտաքին եւ ներքին
բոլոր մարտահրավերների առջեւ մեր ժողովրդի ուժը եւ կենսունակու-
թյան աղբյուրը համերաշխությունն ու միասնականությունն են: Մենք
կարող ենք տեսնել մեր երկրի առաջընթացի տարբեր ուղիներ, որոնք,
սակայն, պիտի հունավորվեն մեկ նպատակի մեջ՝ մեր պետությունը ան-
վտանգ պահելու եւ հզորացնելու: Այս իմաստով տեղին ենք համարում
հնչեցնել Վազգեն Ա. երջանկահիշատակ Հայրապետի խոսքը՝ արտասան-
ված 1991 թվականին սրբալույս Մյուռնուհի օրհնության առիթով. «Հայե՛ր,
հոգեւոր զավակներ Մեր, այս սրբազան Մյուռնուհի միացեք, եղբայրացեք,
եղեք մե՛կ կամք, եղեք մե՛կ ուրախություն, եղեք մե՛կ ցավ: Եղեք մե՛կ
ազգ, մե՛կ ընտանիք, մե՛կ ժայռացած երդում եւ հավատացեք մեր այս մի
բուռ հայրենի հողին ու նրա գալիքին՝ սուրբգրական Արարատի հայաց-
քի տակ, Սուրբ Էջմիածնի օրհնության ներքո»:

Ահա այս տեսիլքով ու կամքով պիտի դիմակայենք ներազգային
մարտահրավերներին, հաղթահարենք մեր պետությունը տկարացնող՝
լուծման կարոտ խնդիրներն ու արատավոր երեւույթները: Սիրելիներ՛,
Անկախության 25-ամյա տարեդարձը նոր քաջալերություն դարձնեք
մեր ժողովրդի կյանքում՝ վճռելու մեր առջեւ կանգնած հրամայականնե-
րը: Այսօր առաջնահերթ են մնում մեր հայրենիքի սահմանների պաշտ-
պանությունը, տնտեսության զարգացումը, արտագաղթի կանխումը,
վստահության ամրապնդումը ազգային մեր կյանքում, աջակցությունը
Սիրիայում եւ Իրաքում ապրող հայությանը, պատերազմներից տուժած
ու տարագրված մեր ժողովրդի զավակներին: Զորացնեք Հայաստանը,
Արցախը, ազգային կյանքով ամուր պահեք Սփյուռքը, սատարենք միմ-
յանց եւ սիրո ու միասնության մեջ պահպանեք մեր ժողովրդին:

Աղոթում ենք, որ Աստված խաղաղության մեջ պահի մեր հայրենիքն
ու ժողովրդին, պահպանի անսասան հավատքով, անվարան հույսով՝
առաջնորդվելու տերունապատվեր շավիղներով եւ կերտելու իր լուսա-
վոր կյանքը հայրենի եզերքներում եւ ի սփյուռս աշխարհի: Ասածո օրհ-
նությունն ու շնորհները թող լինեն մեզ հետ, համայն մեր ժողովրդի հետ.
այսօր եւ միշտ. ամեն: